



ALHAMBRA

# 11 HARI 9 MALAM MOROCCO + SPAIN + PORTUGAL

Marrakesh - Casablanca - Rabat - Tangier - Tarifa - Seville - Sintra - Lisbon - Seville - Cordoba - Granada - Madrid - Toledo

**HARGA FIESTA**  
ALL-IN RM **8,590**  
**WARGA EMAS**  
ALL-IN RM **8,490**



## MUSIM

Musim Bunga Mac - Mei  
Musim Panas Jun - Ogos  
Musim Luruh September - November  
Musim Sejuk Disember - Februari



## MATAWANG

Moroccan dirham 1 MAD = RM0.43  
Euro 1 € = RM4.78



## PERBEZAAN WAKTU

Sepanyol : -7JAM  
Morocco : -7 JAM  
Portugal : -8 JAM



## HOTEL PENGINAPAN

Destinasi	Bil. Malam	Hotel
MARRAKESH	1	Riad Magador Kasbah / setaraf
CASABLANCA	1	Hotel Oum Palace / setaraf
TANGIER	1	Hotel Tanjah Flandria / setaraf
GRANADA	1	Hotel Macia Condor / setaraf
SEVILLE	2	Hotel TRH La Motilla / setaraf
LISBON	1	Hotel Tryp Lisboa Caparica / setaraf
MADRID	2	City House Florida Norte / setaraf

### HARI 1

KUALA LUMPUR - DOHA - MARRAKESH



Berkumpul di Lapangan Terbang Antarabangsa Kuala Lumpur (KLIA) bagi penerbangan ke Marrakesh melalui Doha. Seibanya di Lapangan Terbang Marrakesh, tetamu akan dibawa makan malam dan daftar masuk hotel.

### HARI 2

MARRAKESH - CASABLANCA



Bersarapan pagi di hotel. Lawatan di kota Marrakesh dimulakan ke **Bahia Palace**, sebuah istana yang tersergam cantik dengan 160 buah bilik yang dibina pada akhir kurun ke-19 dan merupakan seni bina gabungan Islam dan tradisional Maghribi terbaik yang pernah dibina. Seterusnya melawat **Koutoubia Mosque**, ikon kota Marrakesh yang digelar sebagai 'masterpiece' puak Al-Mohades yang merupakan masjid utama di kota ini dan memiliki sebuah menara setinggi 77m dan **Tombeaux Saadiens** yang merupakan makam kerabat diraja. Masa luang untuk menyelusuri bazaar **Djemaa El-Fnaa** yang terkenal dengan penjualan jubah, tudung dan rempah-ratus. Makan tengahari dan bertolak menuju ke kota **Casablanca**, kota terbesar di Morocco yang diasaskan oleh kaum nelayan Berber pada abad ke-10 SM. Bersolat di **Hassan II Mosque**, masjid kelima terbesar di dunia yang mampu memuatkan seramai 105,000 jemaah dengan menara setinggi 689 kaki, merupakan menara masjid tertinggi di dunia. Daftar masuk hotel dan makan malam.

### HARI 3

CASABLANCA - RABAT - TANGIER



Selepas bersarapan pagi, lawatan di ibu negara Morocco ini dimulakan ke **Kasbah of The Udayas** yang merupakan sebuah kubu pertahanan dan istana kediaman pemimpin semasa zaman pemerintahan Khalifah Almohad. Kubu yang terletak di muara Sungai Bou Regreg ini dibina seawal kurun ke-12 dan merupakan salah satu tarikan yang unik di bandar diraja Rabat. Melawat **Hassan Tower**, sebuah menara kepada masjid yang tidak siap dibina selepas kemangkatan Sultan Yacub al-Mansour. Menara yang dibina daripada batu pasir berwarna merah ini terletak bertentangan dengan **Mausoleum of Mohamed V** yang menempatkan makam King Mohamed V serta dua anaknya iaitu King Hassan II dan Putera Abdallah. Makan tengahari dan perjalanan diteruskan ke **Tangier** yang terkenal sebagai kota pelabuhan di Selat Gibraltar. Kemudian, tetamu akan dibawa makan malam dan daftar masuk hotel.

### HARI 4

TANGIER - TARIFA - RONDA - SEVILLE



Sarapan pagi, bertolak menaiki feri merentasi Selat Gibraltar untuk ke **Tarifa**, sebuah kota yang terletak di bahagian paling selatan Sepanyol di mana lautan Atlantik bertemu dengan Mediterranean. Seibanya di Tarifa, bertolak menuju ke **Ronda**, salah satu kota kuno di Spain yang dikelilingi oleh pergunungan dan perladangan yang menjanjikan panorama yang cukup mengagumkan. Di sini juga merupakan kota kelahiran ilmuwan Islam terkenal bernama

Abbas Ibn Firnas. Tetamu akan dibawa makan tengahari dan menunaikan solat sebelum melawat tarikan-tarikan di sana seperti **Plaza de Toros** (gelanggang matador), jambatan **Puente Nuevo** yang menakjubkan dan juga Minaret of San Sebastian yang terletak di Plaza Abu Beka dahulunya merupakan menara masjid besar Ronda ketika zaman empayar Islam. Meneruskan perjalanan ke kota **Seville** yang dahulunya merupakan ibu kota di rantau Andalusia dan seibanya di sana, melawat **Seville Cathedral**, gereja berseni bina Gothic yang terbesar di dunia. Gereja ini pada asalnya merupakan masjid yang dibina semasa pemerintahan Almohad, sebelum diruntuhkan dan dibina semula sebagai gereja Roman Katolik setelah kejatuhan empayar Islam dengan menara asal masjid tersebut yang bernama **Giralda Tower** masih utuh berdiri di sebelahnya termasuklah **Orange Tree Courtyard** yang merupakan sebahagian dari peninggalan masjid tersebut. Melawat **Santa Cruz Quarter**, kawasan kejiranan bersejarah Zaman Pertengahan dan bersebelahan dengan **Real Alcazar** yang dahulunya sebuah istana pemerintahan milik kerajaan Islam Moorish. Makan malam sebelum mendaftarkan masuk hotel. *(Nota : Program ke Ronda hanya terdapat pada musim panas dan luruh sahaja)*

### HARI 5

SEVILLE - SINTRA - LISBON



Sarapan pagi di hotel dan tetamu akan dibawa melawat **Plaza de Espana**, bangunan yang cukup menarik reka bentuknya yang terletak di dalam kawasan **Maria Luisa Park** dan terdapat kolam air pancur besar di tengahnya dan lukisan sepanjang tembok yang menceritakan sejarah kegemilangan Sepanyol. Bertolak menuju ke negara Portugal dan melawat kota **Sintra** yang terkenal dengan tarikan **Palace Da Pena**, sebuah istana berwarna terang dan dihiasi dengan binaan kubu dan patung mitos, merupakan salah satu tarikan pelancong ke Portugal dengan contoh senibina terbaik Romantisisme dari kurun ke-19. Makan tengahari di restoran dan bertolak ke Lisbon. Seibanya di sana, tetamu akan dibawa bersiar-siar di sekitar bandar **Lisbon**, bandar tertua di Barat Eropah melebihi kota Rome, Paris dan London. Makan malam dan daftar masuk hotel.

### HARI 6

LISBON - SEVILLE



Selepas bersarapan pagi di hotel, melawat **Rosio Square** iaitu dataran yang paling merah di Lisbon yang dikelilingi oleh air pancut Baroque, monumen dan tugu bersejarah serta bangunan **Dona Maria II National Theatre**. Berhenti berfoto di **Jeronimos Monastery**, sebuah biara dengan seni bina Portugis-Gothic Manueline terunggul yang menyimpan makam Vasco da Gama, penjelajah Portugis yang merupakan orang pertama belayar secara langsung dari Eropah ke India. Melawat **Belem Tower**, menara kubu pertahanan yang dibina pada abad ke-16 dan **Monument to the Discoveries** yang dibina setinggi 171 kaki berbentuk seakan-akan kapal pada tahun 1940 untuk merayakan pencapaian penjelajah Portugis. Makan tengahari dan bersolat di **Central Mosque of Lisbon** yang dibina pada tahun 1985 hasil sumbangan komuniti Muslim. Bertolak menuju ke kota Seville, makan malam dan daftar masuk hotel.



BELEM TOWER





PLAZA DE ESPANA

**HARI 7**  
SEVILLE - CORDOBA - GRANADA



Tetamu akan menikmati sarapan pagi di hotel sebelum bertolak menuju ke **Cordoba** iaitu bandar yang pernah dikuasai Islam pada suatu masa dahulu. Seftibanya di sana, tetamu akan dibawa makan tengahari dan melawat **Mezquita**, masjid-gereja yang dibina dengan senibina Islam terbaik di dunia. Dikenali sebagai Cathedral Mosque of Cordoba, masjid ini telah diubahsuai menjadi gereja setelah kejatuhan empayar Islam. Antara kesan masjid yang masih boleh dilihat termasuklah ukiran ayat suci Al-Quran di dinding masjid, tiang, menara dan mihrab. Lawatan diteruskan ke **Jewish Quarter**, sebuah kawasan kejiranan Yahudi yang diberi kebebasan beragama dan penempatan ketika pemerintahan Islam Almohad. Bukan sahaja dikelilingi oleh rumah yang dicat putih dan patio dengan bunga berwarna-warni, malah surau umat Islam di sini juga masih dikekalkan dan digunakan sehingga hari ini. Seterusnya melawat **Casa Andalusi**, sebuah rumah muzium dari kurun ke-12 yang mempamerkan budaya Islam semasa Zaman Pertengahan di Cordoba dan mozek peninggalan Rom. Makan tengahari dan bertolak menuju ke **Granada**, salah satu bandar di rantau Al-Andalus yang cukup terkenal di serata dunia dengan ikonnya iaitu Istana Alhambra. Sejurus tiba di Granada, tetamu dibawa melawat **Albayzin Muslim Quarters** di mana terletaknya Grand Mosque of Granada. Masjid ini juga menawarkan lokasi paling sesuai untuk mengambil gambar panorama indah Istana Alhambra. Selepas solat di masjid ini, tetamu akan dibawa untuk makan malam dan daftar masuk hotel.

**HARI 8**  
GRANADA - MADRID



Selepas bersarapan pagi di hotel, tetamu akan dibawa melawat **Alhambra Palace** yang asalnya dibina sebagai kubu sebelum diubahsuai menjadi istana oleh pemerintah Kerajaan Granada Nasri yang berbangsa Moorish. Merupakan sebuah mercu tanda terhebat yang pernah dibina oleh kerajaan Islam di Sepanyol, Alhambra adalah pintu kepada budaya Moor pastinya menjanjikan pemandangan yang cukup indah dengan ukiran dinding kaligrafi ayat suci Al-Quran dan ukiran bermotif bunga. Melawat **The Generalife**, sebuah istana rehat musim panas diraja yang dihiasi dengan patio, kolam, pepohon yang menghijau, mata air dan deretan tiang yang dihubungkan ke Alhambra melalui laluan berbumbung. Lanskap taman ini yang terlalu indah pastinya membuatkan tetamu tidak akan melepaskan peluang untuk bergambar di sini. Selesai



HASSAN MOSQUE

lawatan, tetamu berpeluang untuk menikmati makan tengahari istimewa di ladang pokok Zaitun (sekiranya cuaca mengizinkan) sebelum bertolak ke Madrid. Makan malam dan daftar masuk hotel seftibanya di sana.

**HARI 9**  
MADRID - TOLEDO - MADRID



Bersarapan pagi di hotel. Bertolak ke kota **Toledo** yang cukup kaya dengan warisan sejarah dan budaya serta keharmonian komuniti Muslim, Kristian dan Yahudi yang hidup dengan aman tanpa konflik dan peperangan pada ketika dulu. Melawat **Alcazar of Toledo**, kubu dengan 4 buah menara di setiap sisi yang terletak di bahagian tertinggi di Toledo dan pernah digunakan sebagai istana Rom semasa kurun ke-3. Lawatan diteruskan ke **Mosque of Cristo de la Luz**; masjid yang berusia lebih 1000 tahun juga dikenali dengan nama Arab Bab Al-Mardum Mosque yang dibina semasa pemerintahan Moorish sebelum ditukarkan menjadi gereja, **Puerta Bab Al-Mardum**; pintu gerbang kota Toledo yang dibina pada abad ke-10 dan **Alcantara Bridge** yang sangat cantik senibinanya, dibina oleh Rom pada Zaman Pertengahan merentasi Sungai Tagus. Kemudian, masa bebas membeli cenderamata dan Marzipan, kuih tradisional masyarakat Sepanyol yang cuma terdapat di **Zocodover Square** sebelum bertolak pulang ke kota Madrid untuk makan tengahari dan bersolat di **Abu Bakr Mosque**. Seterusnya, tetamu akan dibawa melawat di sekitar kota metropolis **Madrid**. Berhenti bergambar di hadapan ikon bandar iaitu **Royal Palace**, istana kediaman rasmi kerabat diraja Sepanyol dengan seni bina Baroque yang tersohor, melepasi **Prado Museum** yang menempatkan karya seni Eropah terhebat dari abad ke-12 hingga ke-20, **Cibeles** dan **Neptune Fountains** iaitu 2 kolam air pancut yang terletak berhadapan dan berdekatan dengan **Plaza de la Cibeles**; dataran dengan kompleks bercirikan seni bina Neo-classic dan juga **Puerta de Alcalá** yang merupakan pintu gerbang yang megah berdiri di Plaza de la Independencia dan dibina oleh Raja Carlos III pada kurun ke-18 dan kawasan **Puerta del Sol** yang merupakan pusat ekonomi dan membeli-belah kota ini. Makan malam dan pulang ke hotel.

**HARI 10**  
MADRID - DOHA



Setelah sarapan pagi, melawat stadium yang cukup terkenal dalam kalangan peminat bola sepak iaitu **Estadio Santiago Bernabeu**, stadium rasmi pasukan bola sepak Real Madrid. Tetamu berpeluang mengambil gambar panorama dalam stadium ini di **Panorama Cafe** sambil menikmati secawan kopi. Makan tengahari di restoran dan masa untuk membeli-belah di **Las Rozas Village**, sebuah kawasan membeli-belah barangan berjenama antarabangsa seperti Armani, Coach, Ralph Lauren yang menawarkan diskaun sehingga 60%. Bertolak menuju ke Barajas Airport Madrid untuk penerbangan pulang ke Kuala Lumpur.

**HARI 11**  
DOHA - KUALA LUMPUR

Tiba di Lapangan Terbang Antarabangsa Kuala Lumpur (KLIA).



9 Apr | 10 Sep  
22 Okt 2019



KATEGORI HARGA	BILIK BERDUA	BILIK SEORANG	KANAK-KANAK BILIK BERDUA	KANAK-KANAK BERKATIL	KANAK-KANAK TANPA KATIL
NORMAL	RM 9,490	RM 10,890	RM 8,790	RM 7,390	RM 6,890
Warga Emas	RM 9,290	RM 10,690			
FIESTA	RM 8,590	RM 9,990	RM 7,990	RM 6,590	RM 6,090
Warga Emas	RM 8,490	RM 9,890			

HARI	PESAWAT	SEKTOR	ETD	ETA
01	SV 835	K. LUMPUR - JEDDAH	1930	2250
02	SV 377	JEDDAH - CASABLANCA	0230	0710
11	SV 226	MADRID - JEDDAH	1455	2135
12	SV 832	JEDDAH - K. LUMPUR	2320	1300+1



5, 26 Nov  
3\*, 10\*, 17\* Dis 2019  
Surcax \*RM200



KATEGORI HARGA	BILIK BERDUA	BILIK SEORANG	KANAK-KANAK BILIK BERDUA	KANAK-KANAK BERKATIL	KANAK-KANAK TANPA KATIL
NORMAL	RM 9,690	RM 11,090	RM 8,890	RM 7,590	RM 6,590
Warga Emas	RM 9,490	RM 10,890			
FIESTA	RM 8,990	RM 10,390	RM 8,190	RM 6,890	RM 5,890
Warga Emas	RM 8,890	RM 10,290			

HARI	PESAWAT	SEKTOR	ETD	ETA
01	QR 853	K. LUMPUR - DOHA	0255	0455
01	QR 1395	DOHA - MARAKESH	0900	1650
10	QR 152	MADRID - DOHA	2230	0600+1
11	QR 852	DOHA - K. LUMPUR	0855	2140

**Pakej Termasuk**

- Tiket penerbangan pergi-balik kelas ekonomi termasuk surcax minyak dan segala cukai penerbangan.
- Bagasi 30 kg dan Bagasi Kabin 7kg.
- Hotel penginapan bertaraf 4\* sepanjang lawatan (rujuk senarai hotel ditawarkan).
- Cukai bandar (city tax) di Granada, Seville, Lisbon dan Madrid.
- Sarapan pagi di hotel, makan tengahari dan makan malam sesuai Muslim sepanjang lawatan.
- Tiket masuk ke tempat lawatan: Bahia Palace, Mezquita, Alhambra Palace, Generalife dan Palace Da Pena.
- Pengangkutan feri laju dari Tangier ke Tarifa.
- Pengangkutan bas persiapan berhawa dingin yang selesa.
- Perkhidmatan pemandu pelancong yang berpengalaman sepanjang lawatan.
- Tip kepada pemandu pelancong dan pemandu bas persiapan.
- Diiringi ketua rombongan yang terlatih profesional dari Wan Vacation Sdn. Bhd.
- Percuma edisi beg kembara khas (kecuali bayi) Wan Vacation Sdn. Bhd.
- Percuma sebotol air mineral seorang setiap hari sepanjang lawatan.

**Pakej Tidak Termasuk**

- Insurans kembara (travel insurance) - sila hubungi kami bagi khidmat nasihat dan pembelian premium insurans kembara yang sesuai.
- Surcax tambahan kepada harga yang ditawarkan ketika waktu perayaan, puncak dan cuti sekolah (sekiranya ada dinyatakan di dalam tarikh perlepasan).
- Servis tambahan di hotel seperti dobi, snek dan mini bar dan perkhidmatan porter sekiranya tidak disediakan.
- Makan minum, tiket lawatan dan lawatan selain dari yang dinyatakan di dalam aturcara.
- Bayaran tambahan bagi lebihan had bagasi yang dibawa.
- Perkara lain selain dari yang dinyatakan di dalam aturcara dan pakej termasuk